

p.12 line 8【受持禁戒】如《首楞嚴經》「四種決定清淨明誨」：不殺、盜、婬、妄。《首楞嚴經》卷7：「阿難！汝問攝心，我今先說入三摩地修學妙門。求菩薩道，要先持此四種律儀皎如冰霜，自不能生一切枝葉，心三口四生必無因。阿難！如是四事若不遺失，心尚不緣色香味觸，一切魔事云何發生？」(T19, p.133, a7-11)卷8：「先持聲聞四棄八棄，執身不動，後行菩薩清淨律儀，執心不起，禁戒成就，則於世間永無相生相殺之業，偷劫不行，無相負累，亦於世間不還宿債。是清淨人修三摩地，父母肉身不須天眼，自然觀見十方世界，覩佛聞法，親奉聖旨，得大神通，遊十方界，宿命清淨，得無艱險。」(T19, p.141, c19-25)

p.12 line -12【正知而行】善導《觀無量壽佛經疏》卷4：「一切行者等，一心唯信佛語，不顧身命，決定依行。佛遣捨者即捨，佛遣行者即行，佛遣去處即去，是名隨順佛教、隨順佛意，是名隨順佛願，是名真佛弟子。」(T37, p.271, b6-10)夏蓮居《無量壽經》〈如貧得寶第三十七〉：「廣植德本，勿犯道禁。」「吾哀汝等，苦心誨喻，授與經法。悉持思之。悉奉行之。」「去惡就善，朝聞夕改。奉持經戒，如貧得寶。改往修來，洒心易行。」〈重重誨勉第三十六〉：「當自端心，當自端身。耳目口鼻，皆當自端。身心淨潔，與善相應。勿隨嗜欲，不犯諸惡。」

p.13 line -11【四帖疏所示】《觀無量壽佛經疏》卷4：「言迴向發願心者，過去及以今生，身口意業所修世出世善根，及隨喜他一切凡聖身口意業所修世出世善根，以此自他所修善根，悉皆真實深信心中迴向願生彼國，故名迴向發願心也。」(T37, p.272, b13-18)

p.20 line 15【順修】捨離迷執而趣向真理之修行，稱為順修；反之，趣向迷執而遠離真理者，稱為逆修。～《佛光大辭典》《觀無量壽佛經疏妙宗鈔》卷1：「六種即名，皆是事理體不二義。而事有逆順。名字等五是順修事。唯理性一，純逆修事。此逆順事與本覺理，體皆不二。其逆順名自何而立？以知不二。事皆合理。名之為順。其不知者。事皆違理。故名為逆。名字等五。若淺若深。皆知皆順。若初理即。唯迷唯逆。而迷逆事與其覺理。未始暫乖。故名即佛。」(T37, p.200, a29-b7)

p.20 line -11【別內凡】別教內凡位一十住、十行、十迴向等三十位為內凡；十信位為外凡。外凡：善趣之人向外求理，未能息相內緣真性，名『外』；六道分段凡身未捨，名『凡』。內凡：種性以上，漸息緣故，內求真性，名『內』，六道分段雖分斷離，未有盡處，故亦名『凡』。～《中華佛教百科全書》